

TE HEHEURAA API

I neia i te piha neneiraa Univereti i Roto Miti i Utah no te Ekalesia a Iesu Mesia i te Feia Mo'a i te Mau Mahana Hopea Nei i Papeete, Tahiti, i te mau fenua Sotaiete, i te mau avae atoa.

Nº. 5

Atopa, 1919

Mat. 13

No reira, o te tatarahapa e te haere mai ia'u mai te tamarii aruaru ra, o ta'u ia e ite; Mai ia ratou hoi to te basileia o te Atua. Inaha, no ratou i pûpû ai au i to'u tino, e rave faahou ai au i te reira; no reira a tatarahapa, e haere mai ia'u e to te hopea mai o te fenua nei, e e faaorahia outou.

III Nephi 22.

TE NIU NO TE ETARETIA.

Aita e tia ia tatou ia haamori te Atua ite orehia, area ia haamori tatou i te Atua ora mau e tia'i. Te Atua ia o tei haamani te taata i to'na iho hoho'a e o tei tuu mai iana i nia te fenua, E tia roa roa ia haamori Iana o tei haamani te taata nei, e hohoa mau Iesu nona. O te Atua ia ta Setephano i ite a pehikia'i oia i te ofai e te mau Ati Iuda. E i tona hio-tia-ra'tu i nia i te ra'i ua ite oia a Iesu i te pae atau o te Atua. Te reira ia te Atua no Aberehama, Itaata e Iatoba.

E teie nei o te niu te reira. Te reira atoa te Atua mana hope ore i tia ia tatou ia haamori no te mea te niu te reira no te Etaretia a Iesu Mesia. Te na ô maira te hoê o tana mau Apotatoro e, e katara te Fatu i mau taata o tei ore i haapii i te Evanelia mau, ore noa'tu e hoê ia melahi no te ra'i mai.

Ia haamori tatou te tahi ia mea e tia'i, o te reira o te taata nei huru. E mai te mea e faaroo tatou i te Atua o tei horoa mai te ora no tatou, ei reira tatou e ite ai e, e mau tamarii tatou na'na.

Ia ore tatou e faaroo Iana te faaore nei tatou te niu no te Etaretia e e mea faufaa ore to tatou faaroo.

Mai te au i te Bibilia, te haapii mai nei te Evanelia a Iesu Mesia e e hoê noa iho faaroo hoê roa Fatu e hoê noaiho bapetito. O taua Evanelia ra o te mana ia o te Atua. No reira e mea tia roa i te mau oro metua no te mau haapaoraa ê ia feruri e tia anei te hapetito, e mai te mea e tia, a imi ratou i te bapetito raa mau e vaiiho ratou i te mau ravea no te reira maori râ te ravea mau i faaite hia mai e te Bibilia. I te anotau tahito ua haapiihia e te Apotatolo a Iesu Mesia e, o te mau taata o te farii te bapetito—raa ua tanu hia ratou ei taipi no te poheraa o Iesu Mesia. E mai Iesu i haere mai mai roto mai i te Apoo, na reira atoa tana mau pipi i te haere mai mai raro mai i te pape ei taata apî i tona oraraa e te hara ore.

Te faaite mai te Evanelia a Iesu Mesia te huru mau o te Etaretia i tona ra anotau. Oia hoi ua tuu mai te Atua i te mau Apotatolo te Peropheta e vetahi mau toroa. Ei ohipa ta taua mau toroa ra e hope roa'i. E mai te mea ua ere te Etaretia i te reira mau toroa, ua ere atoa oia i te mana o te Atua.

A hi'opoa tatou i te huru o te mau haapaoraa Ciritano i teie nei mau mahana. Te haapii mai te mau orometua e, ua opani roa-hia te ra'i e eita te Atua e parau faahou i te taata nei. Ua faaore atoa hia te mau peropheta e te mau toroa atoa ta Iesu i tuu i roto i tona Etaretia i te tau tahito. Te na ô mai nei to tatou Fatu e, Ia ore outou e riro ei hoe, eere outou na'u. E hoê anei ratou? E hoê ratou i te tama'i raa e te faainoraa i te Etaretia i faatiahia e te Atua na roto i Tana Peropheta ia Iotepha Semit, o tei farii i te parau no te ra'i mai.

Aita tu â parau e ora te taata nei maori râ te parau Heheu.

Gihoti Porophiti.



E mau hoho'a i faaitiehia i roto i te vea nei no te tahi mau mato i Utaha. Ua parauhia te Hiero no te mau Atua. Ua nehenehe roa teie mau mou'a e mai te huru ua paraihia i te mau huru peni atoa. Aita rea e taata i ite i teie mau mato no te mea tei te vahi medebara mau e te ano.

TE FAAOROMAI.

Mai te mea e opua te taata e tavini oia i te Atua e e tauturu i te faatiaraa i Ta'na ra basileia i nia i te fenua nei, ia noaa ia'na ra te faaoromai rahi e tia'i, aore râ e maheaitu vave oia, e unuhi oia muri e e vaiiho i te ohipa a te Atua no te tahi ê ia rave. No te aha ra e na reira'i? No te mea ua i te taata'toa i te mau hapehape rii, e te haamarirau nei tatou i te faaoreraa i to tatou mau peu au ore ia riro ei mau peu tia roa. A hi'o na ia Paulo raua o Barauaba! Na taata maitatai roa raua no te faaoromai ore râ aita i au maitai te tahi i te tahi, e ua faataa ê i ta raua raveraa i te ohipa evanelia.

No te teoteo o te taata e ore e tia'i i te tahi taeae ia pee atu i te faatereraa no te tahi, no te mea tei roto paha i ta'na ra faatereraa te tahi mau hape rii i riro ai ta'na ra faatereraa ei maheaituraa.

Tera mai te haapaoraa maitai roa e au ia tatou atoa nei, oia hoi, eiaha ei peapea to tatou aau i ta vetahi ê ra mau peu au ore ra, a hi'opoa maite râ ia tatou iho ia ore te hape ia ô i roto i ta tatou iho mau ohipa'toa. E faautuahia tatou no ta tatou iho mau hape, eiaha no te mau hape a to tatou mau taeae.

E i to tatou mau a'oraa evanelia, e ere ia i te ravea maitai roa ia faahiti i te i'oa o te taata haapao ore no te oire ei faahaparaa, e fariro ia'na ei tahitohitoraa, e faahiti râ i te i'oa o te taata haapao maitai roa no te oire e faateitei ia'na ei hi'oraa e ei aveia no te feia haapao ore e te taurearea. E i reira te taata haapao ore ra e faahapa'i ia'na iho.

Ia faaoromai tataou i te ino e i te mau hape hoi a to tatou mau taeae e tia'i, aore râ e ore te tahi taata e toe mai ei rave i te ohipa a te Atua e tauturu i te faatiaraa i Ta'na ra basileia hau mure ore i te tau hopea nei.

Ia haamana'o hoi tatou atoa e tei ia tatou iho te mau

POIETE.

Tei papaihia i roto i te vea Katolika, te hoê pahonoraa i te parau ta Toae a Maire i papai i roto i teie nei vea i te avae no Me. Ia hiopoahia taua pahonoraa a te vea Katolika ra, e riro ia ei mea atata, ei mana'o faaino hoi no te mea, na oti te mau uiraa i uihia mai e Taihia ra i te pahonohia e Toae.

Ahiri paha O Taihia i haapii i te anatomie e te philasophie atoa hoi, mai te ui-ru-hia mai, mai te feruri-ore-hia e ana ra, aore hoi ia to'na poiri rahi i itehia e tatou.

Mai te mea e, te ite ra O Taihia ra i te hoê haapiiraa i te huru o te hamaniraa o teie nei ao, e no te mau mea paari hoi, mai tei itehia i roto i te philasophie, (ite paari), no te aha i ore oia i nenei ai i taua haapiiraa i roto i to'na ra vea Katolika. Ia pahonohia'tu taua uiraa nei, e noaa mai ia te pahonoraa e, Ua ere oia i taua haapiiraa paari ra. Atira noa'tu i te reira, e haapii atu matou ia'na i te hoê haapiiraa paari rahi i noaa mai i te mau Savant, (taata paari) i te ite.

I te tau tahito ra, a vai noa'i te poiri, e te ite ore i te huru mau o te hamaniraa o teie nei ao, te tiaturi noa ra te feia paari e, e menemene ore teie nei ao, e tabua parahurahu to tatou fenua nei. I te tonoraahia o Caramabo i te hoê tere mai Europa mai, i reira te iteraahia e, e mea menemene mau teie nei ao. Ua faainohia o Caramabo no to'na ra tiaturi tamau-noa-raa i te mana'o e, ia tere noa'tu oia ra mai Europa mai, na te hitia o te râ mai te haere afaro noa e hi'o mai ia oia i Europa na te tooa o te râ. E inaha, riro i hora te tiaturiraa o to te ao atoa ra ei mea hape ana'e, no te mea, ua ho'i mai o Calamabo mai to'na ra tere, na te tooa o te râ mai to'na hoi i faaite mai ra. E oia atoa hoi, i te tiaturiraa o te mana'o e, "Ua hamanahia teie nei ao no roto mai i te aore. Te vai ra te tumu mau to tahito ra i tiaturi noa i te mana'o e, ua hamanihia teie nei ao no roto mai i te aore, e taua tumu râ, teie ia, oia hoi, te vai ra te hoê mau taata tei parauhia ra e, feia paari rahi, no te mea e, ua oti te mau mea maere i te ravehia e ratou ra, e feia hiohio ana'e taua mau feia ra.

Aita roa'tu râ i noaa i te hui raatira o taua tau ra, te ite i te tumu i manuïa'i taua mau hiohio ra i te raveraa taua mau mea maere ra, no reira te hui raatira i mana'o ai e, i manuïa te taata nei i te hamani i taua mau mea rahi a te varua ino ra, eiaha ra ïa te huru o te mau mea maere o te ravehia e te Atua ra. No taua mana'o poiri o to tahito ra, tupu ihora te mana'o i roto ia ratou e, ua hamanihia teie nei ao i te aore, e na reira-atoa-hia te tino io o te taata nei, e te varua o te taata. I roto i to ratou ra mau mana'o, ua oti te mau mea atoa i hamanihia, i te hamanihia e te Atua ra no roto mai i te aore.

Ei tauturu i to ratou ra mana'o, te na ô maira ratou e, ia tuuhia te hoê vahi arahu i roto i te auahi, e pau roa ïa taua vahi arahu ra i te auahi. Te na ô atoa ra hoi ratou e, ua hamanihia te topata ua i te aore. Ei tauturu atu â i to ratou mana'o poiri ra, te ua ô faahou maira ratou e, ia tuuhia te hoê vahi auro i roto i te acida (pape pihaa,) e mou roa ïa i te acida. No to ratou ite ore i te mau mea rii tumu i vai i roto i te mau mea atoa ra, mana'o ihora ratou e, na te Atua iho taua mau mea ra i hamani no roto mai i te aore.

E inaha, i teie nei mau mahana maramarama rahi, itehia'tura e te hoê haapiiraa paari roa, oia hoi, te feia paari no teie nei tau e, ia tuuhia te hoê vahi arahu i roto i te auahi e faahuru-ê-hia'i te vahi paari o taua arahu ra i te auahi, e amuihia ïa i roto i te mau mea rii tumu no reira mai te reira ra. Aita râ ïa i mou, mai te mana'ohia e to tahito ra, ua faahuru-ê-hia râ te vahi paari, area râ te vai noa ra te materia tumu mai te mou ore, e te vai nei te tau e riro faahou ïa ei arahu paari. Ei mana'o tauturu i to ratou ite rahi, tapea ihora ratou i te au auahi o te hoê vahi arahu i roto i te hoê farii, e inaha faataa ihora ratou i te mau mea rii tumu (materia) tei itehia i roto i taua au auahi i tapeahia e ratou ra, ite a'era ratou e, hoê â mau mea rii tumu (materia) no roto mai i taua vahi arahu ra i to roto i taua au auahi iho ra,

e te faito o te vahi arahu, hoê â ia i to te au auahi i tapeahia ra. Ua na reira-atoa-hia hoi te topata ua, e oia atoa, i te vai-noa-raa o te au auahi o taua auro tei pau i te amuhia i te acida (pape pihaa). Aore e hoê vaihaa iti nainai roa o taua mau mea rii tumu ra (materia) i mou, e ore noa'tu ia i itehia e to tatou nei mau mata, na taua ravea paari rahi i noaa i taua feia paari mau ra, tatou i faaite mai e, te vai nei e, e te vai ra, e vai amuri noa'tu te materia mai te mou ore.

E outou atoa na o tei ite i te tunu i te pape, a tamata faahou na outou i te tunu i te hoê maa pape rii tei mairi mai na te reva, e ite atoa ia outou e, e riro taua pape ra ei au auahi, e ia riro ra taua pape veavea ra ei au auahi, e amui ia i te mau mea rii tumu o te reva nei (materia), e e mairi faahou mai ia oia ei topata ua, e ia haaveavea-faahou-hia ra, e amui faahou te reira i te mau mea rii tumu o te reva nei, e mai te reira noa e a muri noa'tu. No te mau ture o te mau mea rii tumu (materia), o te reva nei e faahuru-ê-hia'i te mau mea atoa.

Ua mou roa anei taua auro tei pau ra e te amuhia i te acida? Eiaha tatou e mana'o e, ua mou te reira. I te tun-raahia te acida (pape pihaa), riro atura te vahi paari o taua auro ra ei au auahi, amui atu ai hoi taua au auahi ra i te mau mea rii tumu o te reva nei, te vahi no reira mai te reira tumu mau, e taua tumu mau ra, o te materia ia. No te repo mai te tupuraa o teie mau ofai ta tatou e ite na i te mau vahi atoa. Na roto mai ho'i i te materia, te roaaraa mai te repo o te fenua nei. Eaha ra ia te tumu i ite ai ratou e, e materia mou ore taua tumu auro ra, maoti râ ia e, i te tapearaahia taua au auahi ra, i tupu mai no te amuraa taua acida ra i te auro, i ite ai ratou e, e mea mou ore te materia mau o taua auro ra. I te faitoraahia o te au auahi no taua auro i pau i te acida ra, e te faitoraa-atoa-hia te auro paari ra, inaha, ite ihora, hoê â teiaharaa te tahi i te tahi. Riro ihora te reira ei tapao e, aore e hoê vahi iti a'e i mou i te amuraahia o taua

auro ra e te auahi. Aita râ taua feia paari ra i vaiiho i to ratou imiraa i reira; imi faahou â atura ratou, e inaha, itea ihora e, te vai mai ra te hoê â mau mea rii tumu i roto i taua au auahi ra, i to roto i te auro paari iho. Ei teie nei mau mahana, te taa noa nei â i taua feia paari ra e, e mea mou ore te mau mea atoa e vai nei, noa'tu e faahuru-ê-hia te hohoa o te mau mea atoa ra, eita ia te materia o taua mau mea ra e mou. No reira, e to tatou hoa Katolika, O Taihia e, teihea te mea tia, o te fariiraa anei ia te mea ite-papu-ore-hia mai tei faaitehia mai e oe na e aore râ, o te farii anei ia i te mea ite-papu-hia mai tei ite-papu-hia e taua feia paari rahi ra no teie tau apî nei. Ahiri taua ite rahi o taua feia paari ra i hape i te hoê vahi iti a'e, e nehenehe ia ia oe ia faahapa mai; no te hape ore râ o ta ratou mau imiraa ra, e tia ia ia oe ia farii i teie nei haapiiraa ei haamaramarama i to oe mana'o.

Teie to'u mana'o hopea, e Taihia e, ahiri oe i farii i te Buka Fafau ta oe i ru noa i te faahapa ra, aore ia ta oe hapa i reira, no te mea, o te parau ia taua buka a te Atua Teitei ra, e ere mau ia te ohipa na te taata.

E teie hoi te parau faahiahia, oia hoi, taua mau mea paari i faaitehia i nia nei ra, o te mau mea hoi ia i heheuhia mai ia Iosepha Semita te peropheta ra, hou a'e i itehia'i te reira e taua feia paari ra. I teie nei mau mahana râ te farii noa nei â to te ao i taua mau mana'o paari ta te Atua i heheu mai ia Iosepha Semita ra. E eaha ra ia te tumu i na reira'i te Atua i te faaite mai i taua mau mea paari i te peropheta ra, hou i itehia'i te reira e taua feia paari rahi ra? E ere anei ia e tia ia farii tatou ia Iosepha Semita ei peropheta maiti-mau-hia e te Atua ra, oia mau roa.

E homa, te vai atura, e te vai atura te mau mea maere rahi i faaitehia mai e taua peropheta ra o te farii-riirii-hia nei â e to te ao, e te vai fatata noa mai nei te mahana e farii-hia'i O Iosepha Semita ei peropheta e to te ao taatoa nei.

Eraneta a Rositera.

(Tuatiraa)

hapehape rii e rave rahi. Ei reira e tupu to tatou aroha i te taeae i topa i roto i te hape, eiaha te inoino. E o te aroha, o te peu puai roa ia ei ume i te taata i roto i te basileia. No reira, ei ia tatou atoa te faaoromai roa te tahi i te tahi.

Farani Tuterera.

TO TE ATUA HINAARO

Eaha te te Atua hinaaro ia tatou nei? Tena na ia; Te hinaaro nei Oia ia maitai roa tatou nei mai Oia i maitai roa ra. Maitai i te aha? Maitai i te mau mea'toa, oia hoi, ia riro te taata ei aravihi i te mau mea'toa ta'na e rave nei; ia hau ê ta'na huru raveraa i te mau ohipa no to teie nei oraraa nei, e ia hau ê hoi ta'na huru raveraa i ta te Varua ra. Mai te mea e tamuta fare oia, ia hau ê to'na ite i taua ohipa ra. Mai te mea e taata ravaai i'a oia, ia hau ê to'na ite i te mau peu e mau ai te i'a rahi ia'na ra. Mai te mea e taata faatere pahi oia, ia riro oia ei ihitai faito ore, a ta'na ia hinaaro. Mai te mea e taata faaapu oia, ia hau ê to'na ite i te mau peu e vî ai te repo, e heeuri ai ta'na mau aua, e rahi roa'i hoi ta'na auhune.

Tei roto i te taata nei te hiroa Atua i tera mea, i tera mea, maori râ tei nia ia tatou te paruparu e te pouri; e ia rave tatou i te ohipa, ua rave ia ma te paruparu e te pouri. O ta te Atua hinaaro, ia faariro tatou i to tatou nei paruparu ei etaeta, e i to tatou nei pouri ei ite e ei maramarama. Ei reira e riro ai ta tatou nei mau ohipa ei ohipa maitai roa mai ta'na ohipa i maitai roa ra. No reira o ta te rima e rave nei, e rave ia ma te maitai rahi. Eiaha ia mauruuru maori râ ua rave-vitiviti-hia. Ei reira to tatou huru Atua e tupu roa'i, e tia'i ia parauhia tatou ei mau tamarii a te Atua. E na reira hoi tatou i te mau mea i te paeau no te Varua ra. Ia maitai roa te mau mea'toa ta tatou e haamana'o, e ta te rima hoi e rave ra, o ta te Atua ia hinaaro ia tatou nei.

Eita e tia ia tatou ia noaa pau roa te huru Atua i roto i teie nei ao ana'e, e tia râ ia tatou i te haamata i te haere ra te e'a e tae roa'tu i ta'na ra huru Atuaraa. E ere hoi ia i te mea paari ia haamaoro tatou i te mahana e haamata tatou i te haere na taua e'a ra. O teie nei iho râ te taime au roa. No reira e hoa ino ma e, a amui mai tatou atoa i to tatou aau, i te na ô raa e: Mai i teie nei atu â o ta tatou e rave nei, tei te pae rima nei, o te reira ia, e tei te pae Varua ra, o te reira hoi ia, e rave ia tatou ma to tatou puai atoa e ma to tatou aau atoa, e riro ai ei ohipa i rave-maitai-roa-hia ra.

Atira'tu ai te parau. O te raveraa râ te mea i toe nei.


TE ITE E TE HAAPAO ORE

Teihea te mea maitai, tei te ite e tei te haapao? E faufaa rahi tei te ite, mai te mea râ e ite to te taata e e maha te hiaai pape i te pape ia inu, e e inu oia i te ava ei mono, e rahi roa'i ta'na hiaai pape ra, eaha to te reira ite faufaa ia'na ra? Aita roa.

E faufaa rahi tei te ite, mai te mea râ e ite ta te taata e e mana rahi to te parau mau, e upootia ia, e e tia roa ia i te vairaa, aita râ i haapao noa'tu i te reira, te tuu noa'tu râ i te haavare ei mono i te parau mau, eaha to te reira ite faufaa ia'na ra? Aita roa hoi ia. E riro to'na ra ite ei pariraa tuutuu ore, e pari ai ia'na i te rui e te ao, o oia i haavare i ta'na mau hoa. O ta te taata e ueue, o ta'na ia e ooti mai. O te ueue i te haavare ei mono i te parau mau, e ooti mai ia i te inoino no to'na mau hoa i roto i teie nei ao ei mono i te aroha taeae, e e faautua-'toa-hia hoi oia i te ao a muri aut.

E faufaa rahi tei te ite mai te mea râ e ite to te taata e tei te Evanelia te ora, ua farii râ i te mau peu au ore no teie nei ao ei mono i ta te Evanelia mau parau, eaha te faufaa ta'na e noaa i to'na ite? O te pohe mure ore te faaufaa ta'na e noaa.

(E tuatihia i te api 144)



E mau Initia (taata maohi Amarika) teie, na te hau Amarika i haapii ia ratou e i haapao atoa hoi. Te rave nei ratou i te ohipa i roto te mau pihaa toroa no te hau.

oto
ere
hoi
ata
au
to
u e
rua
a e
hia
nei.

au-
te
, e
faa
ata
ia i
râ-
au-
raa
re i
nai.
ia
te
ut.
ata
no
au-
faa

(Tuatiraa)

E faaufaa rahi tei te ite, mai te mea râ e ite to te taata e e tahitohitoraa ia te taata maûa, aita râ oia e haapii i te tahi noa'tu mau mea ia noaa ia'na te ite, eaha te faufaa no te reira ite ia'na ra? Te ite i taa ê i te haapao, oia hoi i te ohipa, faufaa ore roa ia. E vai â te maûa, te huru â te huru.

E faufaa rahi tei te ite mai te mea râ te ite nei te taata e e moni rahi te noaa te hôpuraa i te pârau, e i te tanuraa i te haari e i te hooraa i te pufaa, aita râ i haapao i ta'na i ite e i hopu i te pârau, aita hoi i tanu i te haari e i hoo i te pufaa, eaha te faufaa no ta'na ite ia'na ra, Aita ia faufaa. Te vai â to'na huru veveraa, te huru a te huru.

No reira e tia ia tatou ia parau e, E mea faufaa rahi te ite mai te mea ua anoihia i te haapao, oia hoi, mai te mea ua faarirohia te ite ei ohipa. Te ite i taa ê i te haapao, e au ia i te i'a i taa ê i te miti o te pohe te hopea. Teihea to tatou hopea?

Farani Tuterera.

E MAU PARAU PAARI

Ua tia roa te mau opuaraa a te Atua, e e upootia ia, ore noa'tu â te taata tahuti hapehape noa i te ite atea-raa i te reira.—*Likona.*

Tera mai te pahonora maitai roa i te feia e faaino mai, oia hoi, ia tamau maite â i te raveraa i te ohipa tiama te faaoromai rahi.—*Tihoti Uasitona.*

Ia tia roa te haapaoraa no te taata, o te mea ia i hau ê roa. E mea maitai ia ia noaa te ite rahi. E mea maitai roa râ ia viivii ore te aau.—*Tihoti Uasitona.*

TOAE A MAERE, Faaau Parau, Rue Dumont d'Urville, Orovini, Papeete, Tahiti.
ERNEST C. ROSSITER, Imprimeur, Rue Brea et de la rue Damont d'Urville, Papeete, Tahiti.